

中國佛寺志叢刊

趙樣初



明・葛寅亮撰

金陵梵刹志（一）

廣陵書社

金陵梵刹志

金陵梵刹志，五十三卷。明葛寅亮撰。民国十五年（1936）据明天启刻本影印本。

葛寅亮，字纪瞻，钱塘（今杭州市）人，万历十九年进士，历官南京礼部祠祭司郎中，湖广提学副使，福建提学参议，南京尚宝司卿等。金陵为六朝古都南京的别称，梵刹自古名闻海内。唐诗中有“南朝四百八十寺”之句，极言梵宇之盛。然历经唐、宋、元兵燹，圯毁无几。明朝定都南京后，朝廷兴佛，招提重建，名蓝森列，灿然重辉。葛寅亮有感于此，特广稽博考，成《金陵梵刹志》五十三卷。

该书实为南京地区明代寺庙总志。卷首有撰者葛寅亮之序及凡例，卷末有民国二十五年金山寺僧惟光题识。卷一为御制集，收帝王之谕、诏、文、诗等。卷二为钦录集，收洪武五年至宣德五年皇帝的钦命。卷三至卷四十七志寺院，为该书中最主要的部分。共收大寺三：钟山灵谷寺，凤山天界寺，聚宝山报恩寺；次大寺五：摄山栖霞寺，鸡笼山鸡鸣寺，卢龙山静海寺，天竺山能仁寺，牛首山弘觉寺；中寺三：（略），小寺一：（略），其最小不人志者百余。卷四

十八记废寺名，卷四十九录南藏目录，并附有请经条例。卷五十至卷五十三汇各寺条例。

该书问世以来，历来受到人们的褒奖和重视，其对明代南京地区各个寺院的历史沿革、地理建置、规模制度等记述甚详，主要寺院还配有插图。所收文、传、诗、颂等，搜集全面而于古迹、碑文、山川、人物等，均搜括群书，网罗百氏，故其价值及意义，已超出宗教寺院而受到各方面的广泛重视。

王明发

金陵梵刹志

五十三卷

民國廿五年
十月金山江
天寺景印

金陵梵剎志序

金陵爲王者都會名勝甲寓內而
梵宮最盛蓋始自吳赤烏間迄於
六朝梁陳所稱四百八十寺者此
矣我

高皇帝宅中定鼎兵燹之餘隨爲剏

復名藍森列燦然重輝其宸翰
之昭宣規畫之頒布凡以振法乘
而護學人者犁然具舉也予承乏
祠曹討求故實而矻矻於去籍之
艱乃廣稽博攷御製之畀僧與
法者散於全錄恭繹而輯之 欽

錄集則各大寺藏本在焉更搜之
荒碑故牒中得其梗槩爲釐飭僧
規清復 賜租修葺禪宇而復慮
載籍無存無以徵信將來乃爲作
梵刹志奉 御製 欽錄二集并
之簡前遵王章也其次以三大寺

爲綱而大中麗於最大小麗於中
綦布星羅聯絡不渙諸寺之內若
殿楹若瞻產若山川若古蹟人物
若名賢韻士之撰記題詠悉摭撫
而臚列之至大藏之鐫副墨貯於
報恩琅函布於寰宇標舉其目見

端知委是藏目不可無入也而一
二寺規之條列則附之簡末爲卷
共五十有三焉予惟

高皇帝開天神聖經制夙隻千古乃
於瞿曇之教每云陰翊王度云暗
理王綱崇獎有加莫之廢墮是豈

漫無所見而然哉前代之崇釋者
多矣或未免趨於小果孰有如

聖祖之事理雙圓冥契聖諦見於闡
法諭僧云者後之載筆者莫能仰
窺萬一天祿石渠之簡閱其無徵
致問禮之家裒如充耳斯志之作

聊以備 國乘之外史王制之別
傳俾夫三教同源統一聖真之大
經制不致湮淪無攷焉爾予輯志
甫成適請告去閱二十年復以尚
璽至乃作序弁首因緣良不偶也
玄觀亦爲作志板存朝天宮併附

及之

天啓柒年孟夏日南京尚寶司卿
前福建提學叅議湖廣提學副使
南京禮部祠祭司郎中錢塘葛寅
亮撰



金陵梵剎志凡十九則

一志昉揚銜之洛陽寺記而體裁不同蓋昔止述雄觀今兼飭祠政撰志之意業有殊者若資博考鏡亦竊附云
一六朝佛寺多至四百八十名沉蹟滅靡得而傳無志故也國朝定都招提重建或沿故基易其名或仍舊額更其處加以修復增置共得大寺三次大寺五中寺三十二小寺一百二十其最小不入志者百餘京城內外星散綺錯有道里迢遞有山林遼僻人跡或未涉方域或未辨郡邑史又所忽略靈谷棲霞牛首花巖寺各一乘原非備觀故輯斯志

一三大寺俱僧錄分攝如靈谷寺統中寺若干中寺領小寺若干故篇首總冠以靈谷其中分條析理絕無滯澁先以大寺總爲一卷次以次大寺爲一卷中寺無論繁多卽篇目寥寂亦寺各爲一卷以便稽覽餘二大寺倣此

一畿內外俱以五城畫疆而治故寺坐落卽注某城某門去所統某寺若干里惟城內止書某城及所統何地何刹

一世有代興寺隨時徙沿革何常稱名無定今考元金陵新志及應天上元江寧三志地與寺合年與代符不相